



MES 6 21 0000181729



02/03/2021

აჭარის ავტონომიური რესპუბლიკის განათლების, კულტურისა და სპორტის სამინისტროს
სატენდერო კომისიის სხდომის ოქმი N 7-1

ქალაქი ბათუმი

სხდომას ესწრებოდნენ:

კომისიის თავმჯდომარე - ჯემალ სურმანიძე - მინისტრის პირველი მოადგილე;

კომისიის წევრები:

ბადრი ნაკაშიძე - მინისტრის მოადგილე;

რავმან ბეჟანიძე - რესურსების მართვის დეპარტამენტის უფროსი;

ნაზიბროლა ბერიძე - გაბაიძე - განათლების დეპარტამენტის უფროსი;

თამარ სირია - სამართლებრივი უზრუნველყოფისა და საქმისწარმოების დეპარტამენტის უფროსი.

სატენდერო კომისიის აპარატის წევრები:

თამილა ღუმბაძე - სახელმწიფო შესყიდვების დეპარტამენტის უფროსის მოვალეობის შემსრულებელი.

ნინო ღოღობერიძე - სახელმწიფო შესყიდვების დეპარტამენტის მეორე კატეგორიის უფროსი სპეციალისტი.

ნათია გელაძე - სახელმწიფო შესყიდვების დეპარტამენტის მეორე კატეგორიის უფროსი სპეციალისტი.

დღის წესრიგი: ტექნიკური ზედამხედველობისა და შესრულებულ სამუშაოებზე ექსპერტიზის დასკვნის/ინსპექტირების ანგარიშის წარმოდგენის სახელმწიფო შესყიდვის სატენდერო პირობების დამტკიცება და ელექტრონული ტენდერის გამოცხადება.

მოისმინეს: აღინიშნა, რომ აჭარის ავტონომიური რესპუბლიკის განათლების, კულტურისა და სპორტის სამინისტროს ქვეპროგრამით - „საჯარო სკოლების ინფრასტრუქტურის გაუმჯობესება“, გათვალისწინებული საჯარო სკოლების რეაბილიტაციის სამუშაოებზე (2021 წლის პერიოდზე, არ შედის მშენებლობის სამუშაოები, რომელთა შესყიდვა ხდება მრავალწლიანი შესყიდვით), ტექნიკური ზედამხედველობის სახელმწიფო შესყიდვის მიზნით 2021 წლის სახელმწიფო შესყიდვების წლიური გეგმის და ზემოაღნიშნული ქვეპროგრამის შესაბამისად, უნდა გამოცხადდეს ელექტრონული ტენდერი.

შესყიდვის სავარაუდო ღირებულება დღგ-ს ჩათვლით განისაზღვრება 75 000 ლარით. საბოლოო საპროცენტო განაკვეთი დადგინდება ტენდერის საფუძველზე.

პრეტენდენტთა მიმართ განისაზღვროს შემდეგი მოთხოვნები:

შესყიდვაში მონაწილეობის მსურველ პირი უნდა იყოს:

1. სსიპ აკრედიტაციის ერთიანი ეროვნული ორგანო - აკრედიტაციის ცენტრის მიერ აკრედიტებული ინსპექტირების პირები, რომელთა აკრედიტაციის სფეროს წარმოადგენს - შესრულებული სამუშაოების ინსპექტირება.

(სავალდებულო არაა აკრედიტაციის სფეროს წარმოადგენდეს სამშენებლო სამუშაოებზე ტექნიკური ზედამხედველობა - ინსპექტირება. ასეთ შემთხვევაში ტექნიკური ზედამხედველობა განხორციელდება მიმწოდებლის მიერ მოწვეული პირების მეშვეობით და ტექნიკურ ზედამხედველობაზე მიმწოდებელი დასკვნას/ანგარიშს არ ადგენს აკრედიტაციის წესების შესაბამისად. იმ შემთხვევაში, თუ პრეტენდენტის აკრედიტაციის სფერო ასევე იქნება - სამშენებლო სამუშაოებზე ტექნიკური ზედამხედველობა - ინსპექტირება, მაშინ მას უფლება აქვს ტექნიკური ზედამხედველობა განახორციელოს, როგორც სატენდერო დოკუმენტაციის შესაბამისად, ასევე აკრედიტაციის წესების შესაბამისად. ამასთან ტექნიკური ზედამხედველობა და შესრულებულ სამუშაოებზე ინსპექტირება უნდა განხორციელდეს ცალკე-ცალკე სხვადასხვა პირის მიერ.

თუ პრეტენდენტის აკრედიტაციის სფერო ასევე იქნება - სამშენებლო სამუშაოებზე ტექნიკური ზედამხედველობა, მაშინ მას პერსონალის შესახებ ინფორმაციის წარმოდგენის ვალდებულება არ ექნება.

2. მოქმედი კანონმდებლობით განსაზღვრული უფლებამოსილი ორგანო (სსიპ ლევან სამხარაულის სახელობის სასამართლო ექსპერტიზის ეროვნული ბიურო და სხვა).

იმ შემთხვევაში, თუ პრეტენდენტის აკრედიტაციის სფერო არ იქნება - სამშენებლო სამუშაოებზე ტექნიკური ზედამხედველობა - ინსპექტირება, მაშინ პრეტენდენტმა უნდა წარმოადგინოს მასთან დასაქმებული არანაკლებ 2 პირის შესახებ შემდეგი ინფორმაცია: დიპლომის ასლი, რომლითაც დგინდება, რომ მათ უმაღლესი (აკადემიური ან პროფესიული) განათლება აქვს საინჟინრო-სამშენებლო სფეროში. ინფორმაციასთან ერთად წარმოდგენილი უნდა იქნას აღნიშნული პირების თანხმობები წინამდებარე ტენდერში მონაწილეობის თაობაზე. ასევე წარმოდგენილი უნდა იქნას ინფორმაცია აღნიშნული პირების გამოცდილების თაობაზე, კერძოდ: თითოეულ პირს 2015 წლის 01 იანვრიდან ტენდერის გამოცხადების მომენტამდე საჭიროა ჰქონდეს განხორციელებული ტექნიკური ზედამხედველობა სულ ჯამში არანაკლებ 1 000 000 ლარის ოდენობის შენობის/ნაგებობის მშენებლობა/რეაბილიტაციის სამუშაოებზე და წარმოდგენილი უნდა იქნას მომსახურების მიწოდების დამადასტურებელი დოკუმენტის ასლები (მომსახურების მიღება-ჩაბარების აქტი, ან/და დამკვეთის მიერ გაცემული შესრულებული სამუშაოების დამადასტურებელი ცნობა ან სხვა), რომლითაც დასტურდება მის მიერ დადასტურებული სამუშაოების ღირებულება.

ამასთან აღნიშნული პირებიდან ერთს უნდა გააჩნდეს სპეციალობით მუშაობის არანაკლებ 10 წლის სტაჟი, ხოლო მეორეს სპეციალობით მუშაობის არანაკლებ 7 წლის სტაჟი, რის დასადასტურებლადაც წარმოდგენილი უნდა იქნას შესაბამისი დოკუმენტაცია (ცნობა, ხელშეკრულება, ამონაწერი და სხვა).

შენიშვნა: სტაჟის მოთხოვნა გამომდინარეობს საქართველოს მთავრობის 2019 წლის 31 მაისის N256 დადგენილებიდან „სანებართვო დოკუმენტაციის საექსპერტო შეფასებისა და ტექნიკური ზედამხედველობის განხორციელების დროებითი წესის შესახებ”.

კომისიას წარედგინა ელექტრონულ ტენდერთან დაკავშირებით შემუშავებული სატენდერო პირობები.

კომისიამ ერთხმად დაადგინა:

1. დამტკიცდეს ტექნიკური ზედამხედველობისა და შესრულებულ სამუშაოებზე ექსპერტიზის დასკვნის/ინსპექტირების ანგარიშის წარმოდგენის სახელმწიფო შესყიდვაზე ელექტრონული ტენდერის სატენდერო პირობები.
2. სატენდერო წინადადების ფასის კლების ბიჯად განისაზღვროს 700 ლარი.
3. ელექტრონული ტენდერი გამოცხადდეს ვაჭრობის დაფარული მონაცემებით (აუქციონის გარეშე).
4. დაევალოს სატენდერო კომისიის აპარატს ტენდერის გამოცხადების პროცედურების განხორციელება.

მეორე კატეგორიის უფროსი სპეციალისტი
გელაძე ნათია

საქართველოს განათლების, მეცნიერების, კულტურისა
და სპორტის სამინისტრო / აჭარის ავტონომიური
რესპუბლიკის განათლების, კულტურისა და სპორტის
სამინისტრო / სახელმწიფო შესყიდვების
დეპარტამენტი
მეორე კატეგორიის უფროსი სპეციალისტი
ლოლობერიძე ნინო

დეპარტამენტის უფროსის მოვალეობის
შემსრულებელი

აჭარის ავტონომიური რესპუბლიკის განათლების,
კულტურისა და სპორტის სამინისტრო
სამართლებრივი უზრუნველყოფისა და
საქმისწარმოების დეპარტამენტი
დეპარტამენტის უფროსი
სირია თამარ


საქართველოს განათლების, მეცნიერების, კულტურისა
და სპორტის სამინისტრო
აჭარის ავტონომიური რესპუბლიკის განათლების,
კულტურისა და სპორტის სამინისტრო
განათლების დეპარტამენტი
დეპარტამენტის უფროსი
ბერიძე-გაბაიძე ნაზიბროლა

6. გუბია ევაიძე

საქართველოს განათლების, მეცნიერების, კულტურისა
და სპორტის სამინისტრო
აჭარის ავტონომიური რესპუბლიკის განათლების,
კულტურისა და სპორტის სამინისტრო
რესურსების მართვის დეპარტამენტი
დეპარტამენტის უფროსი
ბეჟანიძე რაფშან



მინისტრის მოადგილე
ბადრი ნაკაშიძე



ჯემალ სურმანიძე
მინისტრის პირველი მოადგილე

